



鷄足山志卷之六

人物



野史氏曰於戲地由人重豈不然哉滇南古
西域崇尚釋氏其來久矣至文章禮樂之教則
開自司馬相如宋祖玉斧一畫復淪於侏僂者
數百年故滇中人物自明以前概難稽核士生
斯地其亦不幸也夫今考之輿志徵之野史以
及故老傳聞擇其可紀者著之若夫耳目傳疑
者則如闕焉孔子曰多聞闕疑誠不敢屈筆以

陸斯民也志人物

禪僧

唐

古和尚

鷄足古和尚不知何許人也名小澄俗呼爲小沈與二僧同住一庵入城吃食南詔問識何法門小澄荅云我能使死者生極樂世界南詔遂令國中但有死者請小澄起棺如此十餘年有讒于南詔者曰小澄妄人也云能超度死鬼何所證驗臣願

入棺試之南詔如其言請小澄起棺將至化骨房起棺蓋視之誠死矣懇之求生小澄又作法遂甦死者悔曰我已生七寶宮殿中如何復來此小澄遂還舊庵見二僧問食二僧曰汝從城中來乃不裹糧却至此索食耶小澄遂走叩華首石門門訇然中開二僧追呼至石門則石門閉矣二僧悔恨焚身門外焚處生栢二株有泣淚泉存焉或云小澄卽迦葉化身也

見曹溪一瀉

宋

慈濟

不知何許人嘗在洱海東北青巔山峻石上禮迦
葉目課百拜人名其石爲禮拜石下臨不測之淵
濟後立化於石今無有躡其石者

出滇志

元

源空

威楚人三歲能誦佛號入微溪山爲僧嘗遊螺
山有虎伏崖下後入九重崖絕粒經月一日端坐
而化茶毘之處祥雲翳焉

曾通

禪師號德存趙州人也幼入鷄足山出家遍歷講
席因問中峯和尚于三乘十二分教明得與祖意
是同是別峯曰你舉教意來看師曰擬舉卽差峯
曰恁麼則你講的經聾師擬議峯便喝師不覺汗
下因茲服膺峯爲升座示法語有叅玄上上人須
識巧方便之句後結庵山中一日聞僧云水自石
邊流出冷風從花裡過來香透開悟

嗣中峯本見
曹溪一滴

本源

河南人至正年間來山開羅漢寺在大龍潭上

明

宗璵

禪師號商巖得法于玄鑑初住鷄山為土官高鳳請于姚安創活佛寺與總鎮繼軒沐公為方外交題師殿額曰真如境界贈詩曰諸妄已消除一真獨自如舒之彌大千捲之無欠餘境界亦何有湛然靈以虛心境兩相忘寥寥徧幽居後諸方學人雲集座下者七百餘人送圓炤香周禪人偈云正

是叢林搖落時出門相送步遲遲明朝玉案山中

寺逢着仙人莫看棋

見曹溪一滴

淨月

聖峯寺開山僧也弘治年間人俗姓胡曲靖世間之弟年十九棄俗日食一食積久道重人以白齋呼之遂歷湖海印證末旋滇入鷄足山先憩峯頂後於明歌坪建寺掘地得碑有迦葉入定八大明王歌頌相送之說遂營緝成寺

見寺碑

實庵

大理人長身修髯始居淨土山後入鷄足歷九載
每入塵市嘗依祠廟置瓢神案託食於神人輒以
食食之如神後至白崖忽一日謂衆明日重巒寺
示寂扶掖至塔所趺坐說偈曰吾三十年寂而常
照照而常寂效此修得吾啖飲也奄然順化茶毘
之次忽瞠目曰大衲與舉火者此中有藥當分遂
寂

性立

號大機圓信庵開山僧也俗賓川人姓趙生於弘

治壬子初入鷄足山接待寺披剃師體貌頎然存
心仁厚嘗應禪期累居首座後敝圓信庵諸山俱
服其德于嘉靖癸亥年無疾而逝

圓惺

放光寺開山僧也陝西甘州人年十六出家伙牛
山後歷峨嶺五臺遍叅知識于嘉靖間至鷄足山
見華首勝蹟誓建寺于下李中谿遊山相遇遂爲
興創焉惺道行孤高三十餘年爲僧俗所歸

本帖

雞足山志 卷之六
號定堂尋甸楊氏子嘉靖禮搖鈴山白齋和尚叅
萬法歸一有省後住鷄足山金龍潭屢見金龍出
現又見本寺椒樹放光故初創庵名花椒庵後方
改寂光寺師化時書偈云幾回力盡心圓處坐脫
娘生鐵面皮端坐而逝

載曹溪
一滴

如正

老廣西者鷄足山老僧也名如正廣西桂林人俗
姓周萬曆丙子來止鷄足人以老廣西呼之住山
四十年棲隱艸庵或趺坐空心樹下在庵則捆屨

蒔菜以自供或遺之錢卽遺寺主以爲供餽齋糧
之佐凡經行處鳥不亂羣獸不亂行後趺坐而化
粵東義印禪師銘其塔曰師之生年花甲四百七
十有零師之僧臘水邊林下七七餘齡木人花鳥
藥苦冰清雪衲補處密行圓明翻然示寂空花死
生形影不弔聲响分明筆頭隻眼舍利歸寧窣堵
坡前山色青青明明千秋月炤西陵僧會荷題像
贊云嘗聞老廣西是個金剛漢子今日見你拜你
不過是個骨樞子謂是行僧便歇不下你擔子謂

是禪僧又摸不着你鼻子帶來底是敲破了半個魚子打坐處是一科將死未死空心樹子這便是你畱與後代兒孫底榜樣子請看這駝子這鑿子噴只恐還不是你

真圓

號月潭鷄足山華嚴寺開山住持也嘉靖初自南京來卓錫於此故人以南京庵呼之後弘爲寺李逸民曰真圓有戒德其徒皆率教一山所不及

匾困

和尚不知何許人居百接橋東土龕日惟種圃夜則跏趺嘗以艸席爲困跌坐其中困形稍匾故人呼爲匾困和尚人傳師持緊那羅王神咒時有剽賊之擾殊不介意後擾之甚師笑曰何乃如是遂默坐持咒是夜盜數人旋繞困旁至曉迷謬不得去盜叩頭求釋師以手揮之乃去鼓山嘗有妖夜出人不敢行師以咒制之妖遂息山中僧衆豎降妖坊于法華庵旁今故址尙存

圓清

鷄足山僧嘉靖初結庵袈裟石上孤標峻潔李中
游遊山記稱爲一山高僧之首

天心

道裕聖峯寺淨月徒也幼出家行脚至南海曾
龍山得定三日一時名德莫不欽之道行清玄聲
稱遠播後歸鷄山李中谿與之爲方外交者年無
疾端坐而化

太空

名興徹洱海人初師鷄足定堂誓立禪永不坐臥
後往孤島寺參天竺和尚竺一與師鉢烙餅連燔六
枚一一被訶跪請曰某素爲鄙業所食不佳願賜
指示竺曰示汝耳繼又入蕩山學楞嚴于印光禪
師每定三日光訊曰得法喜乎曰然自是翹一足
立無欹斜住獅子山一日向衆爲別語香煙盡我
則去矣迨香煙旣盡聞空中佛聲漸向西而逝
法光

亦定堂法嗣賦性孤高不隨世緣住山遇虎白額
掉尾而來見之輒伏年八十餘而終

悟月

號古鏡白崖人自幼于龍華寺出家後歷諸方參究心地回結茅于寂光寺名古鏡庵一日師補衲有僧來參繞師三匝師將衲擲地示之僧便禮拜壽至九十六而終

如堂

寂光寺僧澂江楊氏子年十五詣千佛閣出家從定堂得三昧法棲金龍庵六載因山無藏經入都叩請羅近溪遂爲請送寂光寺師奉藏歸結幻住

庵居之後坐化

周堂

號雪庭趙州人俗姓張髫年習儒一日閱般若經慕釋氏學遂出家徧參知識後謁龍華寺佛心師曰某甲初進乞垂開示佛曰近前來爲汝說師拂袖而去佛深契之後剎潮音閣壽九十有五

德住

寶山德住禪師聖峯寺僧劔陽人俗姓張嘉靖辛亥於聖峯披剃後依蔡關主究心宗學脇不至席

一日歷伏牛山欲入堂衆晒爲漢人足軟師遂翹
一足立七晝夜衆皆驚服呼師爲鐵脚羅漢名振
遐邇還滇隱居幻住庵聖峯遇災師與妙峯重慨
建焉

真語

默庵禪師賓川李氏子生而喜佛事嘉靖癸丑投
師正宗創止止庵師初不識文字日夜禮華嚴不
斷經六七載頓開慧性誦華嚴如風記遂參區因
和尚中谿公請師三塔開堂後建徧炤寺于白崖
建般若寺萬松庵于洱海著有觀無量壽佛經註
國母遺妙峯資藏入山賜師紫衣年至七十有五
坐化分靈骨於雷音萬松二處建塔焉

如唐

西來寺開山僧也關中人結茅于羅漢壁崖下日
禮法華既久泉自崖根湧出每齋罷以手擎飯念
佛一聲羣鳥集肩而食修劍瓦殿下大路十七里
登山者便之

明鑑

無臺大理郡守李華之孫年十八投聖峯寺白
齋披剃後隱波羅崖艸衣木食嘗七日忘食又參
定堂接天二禪宗中溪贈詩云貝葉翻三藏曇花
作一燈又送師歸淨雲舊隱贈詩云袖雲一旦別
蘿月幾時圓後中溪請師白鷗社同居三年至萬
曆十五年九月九日沐浴端坐焚香命衆誦準提
千遍誦畢而逝及茶毘室有異香

儒全

號水月昆明人萬曆初年禮古林爲師後與朗日
同參遍歷大方海內宗匠無不印可一日至峨嵋
山四會亭得瑠璃三昧後歸主寂光寺朗日寄詩
云鷄山古寺初逢處楚國長途復遇時三十六年
成人別而今題作一聯詩又華首峯頭大寂禪煙
霞養得慧身堅有時坐到忘言處迦葉重來展笑
顏天台兵憲王公問師日用事如何師答曰鑿池
不待月池成月自來

本安

號無心大覺寺開山和尚也承天人俗姓寄幼隨

母至燕不如葦遂辭母祝髮法海寺年十六受戒
大闡宗教萬曆己丑 慈宮頒藏鷄山賜紫衣與
妙峯同賚至山奉藏華嚴師駐錫大覺一山無不
宗仰

如滿

號月輪華嚴寺月潭法嗣馬龍人姓易年十八祝
髮卽謂萬行爲菩提初基雲遊至燕演習經論二
十六載請藏來山兩賜紫衣圓頂與妙峯同賚藏
回山重修華嚴寺

可全

號徧周大覺寺僧也鶴慶李氏子年十六入山依
月輪值妙峯無心二師捧藏來山議安華嚴寺由
是開闢藏制場百期于衆中選師披剃侍無心老
人旣妙峯復命而無心老人居大覺師隨侍數年
感雲邑楊公後成大覺法席卽隆門下百人如徹
庸輩咸其孫也

幻空

幻空和尚北京人初入山住大覺前樓次住迦葉

毀崖上又住羅漢壁石崖邊大樹下後諸方宗仰
遂叔碧雲寺師居山四十餘年惟以叅禪爲宗有
來問法者但隨機接人時有直指姜思睿慕師道
德入山訪師見師真掛壁師坐龕中卽云和尚和
尚業障業障旣在龕中又在紙上此處爲真彼處
爲妄彼處爲真此處爲妄速道速道免喫吾棒師
從龕中荅云業障業障不止和尚赤條床頭冠裳
與上道也不真那也不妄真則俱真妄則俱妄如
此是說請收尊棒姜公改容禮之遂爲建寺勒碣

云

南嵩

不知何許人依印光出家習頭陀苦行檀花等素
爲盜藪師獨結茅于路傍晝夜經行三十年盜賊
感化覩以香供本鄉善士請爲建刹師拈香祝曰
若此當興佛事請示靈異師化金光相徹山原半
日因建金華庵師後于庵之東石洞中禮佛十三
年縣是大聖翔龍等九寺因金華之靈異遂繼擬
焉師終師命門人具齋嚴請檀越休沐於生盆中

兩遊茶毘之火覺有異香

清虛

禪師曲靖人稚年入山禮月輪祝髮乃遊歷諸方
叅訪明哲頓悟心宗後結社廬山四方禪子雲集
座下千餘衆後不知所終

真澄

所庵真澄法師尋甸張氏子年十五全節玉龍庵
發光師一日某園摘柿爲獻忽墮地昏昏如夢中
赴發光座下光曰汝事辦否師曰已辦及甦五體

猶介墮處遂悟生死不在色身乃禮光受五戒年
十八叅古梅曲江梅告以遍遊天下遂歷叅諸師
至于佛寺禮徧融和尚受法後乃來往五臺鷄足
弘演教乘爲近代法師之冠建那蘭陀寺于鷄足
之金龍潭

寂觀

號法界傳衣寺僧也大理人俗姓陳于萬曆間出
家後歷諸方至燕叅徧融和尚歸滇至響水關值
虎虎避回山主傳衣延所庵開講後寺災師恢剏

焉

慧光

朗目慧光禪師曲靖人姓李曾住鷄足寂光寺後遊海內登天目蘭風之堂風以見佛了生死爲問每擬議風輒呵一日風肩柴次遙見師擲柴于地曰見佛了生死師不言直肩柴去曰見佛了生死風深契之後神宗李太后召開堂于北京蘆溝橋復興安慶浮山刻九帶集曰與衆說楞嚴至同分別業二種妄見處忽下座告衆曰緣盡矣跏趺而逝塔于浮山有法句行世

釋禪

號本無昆明張氏子博學有道行初憲副馮時可擇鷄足勝處建息陰軒居之後麗江土知府木增復延建悉檀寺并開牟尼山所著有風響集老子註二卷及楞嚴懺禪宗頌古俱行世

澹虛

法名廣融葉翰人俗名李應霖中鄉榜萬曆年任知州棄家祝髮于寂光禮水月爲師建三益樓清

涼閣

儒施

號大力宜良人所庵法裔初入山時四林茂密水
 跡罕到是時山中無住靜者叔建靜室從師始師
 素履朴直舉止有古人風初修苦行後參禪專以
 淨土接引後學年近六旬夢生西方現一池中皆
 大蓮花花上皆坐備人自身亦與焉示寂時合掌
 西向

廣慧

禪師號野愚雲南嵩明人法嗣水月行脚二南數
 十年歸來著有頌古百則漚花集一卷行世逝
 昆明化時獲舍利數十粒手骨赤如珊瑚聚洲王
 太史以師禮之臨終偈云一句元無踏倒太初
 凡非聖萬象如如塔于古庭之側

盡玄

號如如澂江張氏子幼業儒因看楞嚴維摩諸釋
 典遂有出塵之想後棄家投幻空祝髮惟以參究
 為事有叩問者隨機應答著有二教直指金剛定

衡性學正宗等書拈花寺乃師始創也

如桂

號蘭宗黔中畢節人姓王年十八投所庵披剃遍
叅海內知識精通教典住獅子林三十餘載修華
嚴法界觀爲宗諸山耆德無不欽仰端坐而化荼
毘之時異香滿室隣僧念誠聞空中有天樂之聲

周理

徹庸禪師名周理雲南縣人姓杜生於萬曆十九
年白氣出屋鄉人異之纔出襁褓啼不止有二僧

登門賜名慧九九歲喪父十一歲入鷄山大覺寺
禮徧周爲師時周預夢有大蓮花生於殿庭明日
師至稍長篤志宗風有僧密藏開發叅禪之要後
歷諸方得法天童密雲和尚歸鷄山妙峯開堂海
衆雲集以棒喝傳宗滇南自古庭後二百餘年祖
燈再炳實從師始晚住妙峯著曹溪一滴及語錄
行世臨終示偈云生也如是死也如是夢幻空花
物恒順常如是塔于妙峯山

讀徹

號蒼雪昆明人出家于妙湛寺歸鷄山爲水月侍
者年二十五行脚江南住吳門中峯爲一雨法師
上首紹長千十友講席者數十年宗風凜然詩名
籍甚大興支公道場著述甚富海內宗之有送唐
大來歸滇詩云小艇難禁五兩風鷄山有路幾時
通殷勤爲我傳鄉信結個茆團在雪中後老於中
峯不知所終

洪相

號應機雲南縣人初入鷄山禮法光爲師遍叅海

內叩朗目于浮山將辭歸朗目贈詩云孤身遊萬
里一錫振千峯心花開片片慧日演重重踏破曹
溪旨叅罷少室宗訊謁諸方去歸家叩石鐘旣歸
石鐘衆欲請師住持師云我事尙未了寧能爲人
主遂登九重崖結茅栖二十五年將謝世迎歸石
鐘方坐乃云這遭我坐家裡了也合掌而逝

如常

號良一宜良人自幼投大方和尚剃落後嗣所庵
學華嚴法界觀師戒行威儀無可比者

真懷

號冲虛昆明黃氏子出家盤龍寺初不識文字遍遊海內住峨眉山二載苦行住五臺山九載學盡諸經後徧參蘊璞憨山請大師歸滇受具於所庵建不二軒居之後住傳衣十五年專心念佛誓欲往生淨土將遷化七日前邀山中耆宿告別至七日跏趺念佛而逝

文璽

河南人年十三出家往浙江叅湛和尚問何處來

答曰牛山來湛云幹何事各云念佛湛云還要叅光師云怎麼叅湛云叅箇話頭師云某甲不會後至湖廣叅黃蘗請開示蘗大喝一聲云你看我這裡有個甚麼開示師亦不會又求請蘗揚住脇下抖三抖師亦不會遂求話頭蘗命叅父母未生前誰是我本來面目又十年不契乃發誓住山天啓年間來鷄足住九重崖不出戶者二十年單叅一箇誰字至不知朝暮春秋一日見撞鐘僧問云如何不撞鐘僧笑云纔放下鐘槌又叫我撞鐘一日

說偈云一髮之關在此時世間曾有幾人知若還
開了通天眼步步頭頭公祖後師道行既高接
引愈廣鷄山僧衆以老河南呼之臨終辭世偈云
我原本無我人亦且無人會得老會意大地現全
身

真利

和雅真利法師雲南大樹營人姓石幼投微明爲
師遊方至金陵受戒于古心和尙傳教于三槐菴
漢諸大僧誦經三十餘會律徒半海內至楚爲岷

王師後還鷄山廣開講席至八十而終

來秀

號雲聚河南人苦行自持住四觀峯創建金頂寺
住山數十年精勤不懈崇禎末年無疾而逝

寂定

自如寂定法主劍川人遊歷諸方受戒于三昧和
尚叅巔愚大師博通經典後歸鷄足山弘開法席
建斷際處居數年劍川段氏敬師名德請開石竇
山遂終老焉

周續

號傳燈葉榆人幼依大覺禪周出家壯而遍歷名山歸來日夜念佛不間寒暑忽一日聞塔角西有喚聲云當中品往生師遂集衆衆方至師起立牀前而化手中數珠拄杖不墜後出茶毘惟數珠不化及視其珠乃木屑也

印寬

首傳寺僧也昆明人與還源禪師交善嘗于午齋後熟睡還源曰齋後即睡無碍乎寬云我睡在虛空何得之有甲午年某月日忽囑寺僧云我來日午時當告別大衆即散其衣鉢至來日午時索筆畫蓮花及畫完乃一偈也偈云緣合則緣離則寂體自真嘗了幻如是命僧徒送與還源端坐而逝

慧鑑

行僧也鎮南州白土城人于本處出家來山依大力住獅子林三十載夜遊念佛三年君無牀榻晝夜跏趺頂上燃燈計有三千餘盞而頂骨瑩白如

玉年八十終于石鐘寺

洪如

無住洪如禪師定遠人姓鄧幼慕宗學萬曆丁巳同周芝公遇徹庸和尚即拜為師庸命叅狗子無佛性句後就河南大千祝髮復來鷄足叩徹庸入白雲窩苦叅三年無所得一夜坐高樓聞鏡鉸聲忽然大悟舉似徹庸庸許之陶不退問叅何話頭得悟師舉趙州無字陶曰無字聾師曰雪覆陶深然之

仙

楊黼

先生者永樂年間太和人號存誠隱居不仕孝友好施庭前桂樹扶疎蟠蹙巢居其上因別號桂樓讀書不輟一日硯水竭欲下取之顧視則水溢矣自是有得後入鷄山栖羅漢壁崖穴中二十餘年八十歸家卒卒之日家人見公從外入曰楊黼今日大事了也凡所交遊盡見其至家為別又有入於安寧道中遇之疑仙去也所註有桂樓集篆

隸宗源卒之日又有人于貴州見之寄語諸孫計
程是日已過二千里外矣

道流

雲和

山東人舊居終南日入萬曆間入鷄足山住獅子
林與山中名德結百期打七煉魔後不知所終

周東華

河南歸德人幼通三教尤精道德之旨年二十五
雲遊方外崇禎甲申至鷄山後遊騰越人皆以神

仙呼之周答詩云人人說我是神仙我是神仙豈
偶然只爲南滇無大道故來此地示真傳後竟隱
去

高隱

還源

諱宗本俗姓曾名高提賓川人崇禎庚辰進士得
第後於南京參天童和尚言下有解遂不仕歸隱
鷄足山天池齋晝夜參究精勤不息

流寓

雞足山志 卷之六
羅念庵

諱洪先江西吉水人嘉靖己丑狀元隱退遊域內
名山至滇入翰造弘山廬夜話走鷄足李中谿跡
其後講道于貴春

李禿翁

諱費號卓吾任楚安知府萬曆八年遊鷄山寓鉢
盂庵聽經

羅近溪

羅汝芳號近溪吉安人進士重南學憲萬曆丙子
登山詩賦標題無寺不有歸家命子逃藏寂光寺

羲印

諱圓易廣東人萬曆末年來遊鷄山與如正等交
師精通宗教詩詞賦落筆千言道俗共欽後如正
示寂爲製塔銘載如正傳中

陳潤之

法名如清襄陽人萬曆庚申年同雲石王亨字遊
山栖蘭陀寺二載有餘

王聚洲

諱元翰寧州人翰林萬曆年間遊止鷄山

譚文化

號語公蜀梓州人萬曆壬戌進士于崇禎壬午入
山栖片雲居三月餘片雲居卽公題名也

陶不退

諱珽進士姚州人萬曆間寓鷄山大覺寺

徐弘祖

號霞客南京江陰人生而好遊欲盡繪天下名山
勝水爲通志遊遍京省閱盡天下佳山水崇禎庚
辰將遊鷄足道經南京迎福寺有僧靜聞亦慕鷄
足之勝徐遂攜之同行及至廣西靜文病且死囑
公曰我志往不得達若死可以骨往徐憐其志因
焚其屍取骨貯以木匣負之入滇及至山止悉檀
寺欲于山中乞地葬之以了其遊山之志寺僧仙
陀高其義爲卜地葬於文筆山之陰建塔墓上晉
寧黃郊爲之銘曰孰驅之來遷此皮囊孰負之去
歷此大荒志在名山此骨不死旣葬旣塔乃終厥
志藏之各山傳之其人霞客靜聞山水爲馨徐旣

葬靜文愛鷄山之勝遂止焉麗江土知府木生白
聘修鷄山志叔稿四卷未幾以病辭歸

楊雨

太和人郡吏也有志節不與胥曹偶人餽之必問
所從來或受十之一凡有寃事必力諍于庭守怒
笞之起而復諍久而知其無他亦時時嘉納之一
時無寃民冬月其鞞無襪藉之以艸役滿後入鷄
山郡守物色之不得也

見滇畧

妙峯

燕京人萬曆己丑賁藏入山貯華嚴寺後復命還
京栖五臺山

德心

和尚不知何許人萬曆間入山或居庵門或宿樹
下夜惟念佛經行大覺寺徧周亦嘗叩之乃爲建
室請講實訓後四年返蜀開峨峯之洪春坪焉

真全

燕京人萬曆間來山徧周雷之大覺嘗植一太木
冠于鐘樓上日夜趺坐其中二十餘年崇禎丁丑

冬之夜從缸中大聲念佛次早往觀乃知化去兩端
坐儼然

大千

河南人曾監高竿頂上安一盤打坐又於律衛坐
一十月不動萬曆年來山住後于滿後至祿豐之
獅子口建淨蓮寺終焉

雪影

塔廣和杭州法師天啓六年來山寓悉檀寺與本
無爲道友朱直指敬其道行于四觀峯須建天長

閣居之後歸南京博山

洪度

號不空臨安府孝廉初于雲南玉案山筇竹寺祀
髮名自度後歸依徹庸改今名嘗隨徹庸住雞山
僧衆以禪問之惟答以念佛二字後於妙峯談律
門徒甚盛臨終時或問曰和尚平日念佛此時何
如師應曰我自念佛與汝何與遂寂然而逝

名賢

李中谿

諱元陽大理府太和縣人嘉靖丙戌進士翰林院庶吉士建賓蒼閣讀書山中數年開建放光寺捐貲置常住田數百畝山中寺院凡傾頽者無不修葺兼爲撰文立碑雞山之盛公爲首功矣

本朝
洪舒

號印文楚雄楊氏子年十八投法光和尚披剃住石鐘閣禁足持誦彌陀七十餘年未嘗一日少間德行孤高重建教義閣徒衆數百年九十而化塔於本山之西

學蘊

號知空洱海張氏子甫十歲卽入山投水月和尚祝髮住寂光寺精修戒律脇不至席者三十年建玉霖軒靜修後出山於楚雄開創九臺山學人數百臨終三日前集衆辭佛對衆云三日後天必雨兩時可相報吾好去也囑畢遂入方丈趺坐不出至期午刻果雨侍者入報師命衆念佛隨出方丈將已鬚掠入口中咬定遶殿三匝不言復入方丈端坐而化年七十七塔於本山

會行

號非相迷渡孫氏子年十八投悉檀寺德周和尚
祝髮隨創雲溪庵住靜二十年後入水目山叅無
住禪師有醒遂主席斯山康熙庚午秋師於七日
前鳴鐘集衆沐浴拈香畢隨將本身衣鉢送入塔
中開視已塔安龕於內入龕跏趺不出四衆禮足
哀請不已乃出與衆懽留二日至三日味爽復入
龕訣衆偈曰萬劫從今萬劫歸古幾根朽骨寄入
水目寺者喝一喝入寂時年八十有七

會荷

號擔當晉寧州儒士俗姓唐字大來以明經選不
赴棄家遍遊歸而出俗叅水目山無住和尚往來
雞足點蒼間師善書畫索者盈門康熙癸丑冬一
日趺坐說偈曰天也破地也破認着擔當便錯過
舌頭已斷誰敢坐寂然而化壽八十一所著有脩
園概庵二集拈花頌百韻行于世

淨極

號達一山東兗州曹氏子生于崇禎戊辰年遊南

嶽投學明和尚祝髮後叅諾禪師有醒康熙癸卯入滇初至臨安府修迎恩寺庚戌歲始住雞足重建迦葉殿煥然一新戊午冬一日集徒於慧泐慧輝等囑云爾輩隨吾學道有年誠能一切放下大休大歇暢快平生庶不負多年勤苦示畢趺坐而寂時年五十有一塔於木

讀體

號見月滇楚許氏子投寂光寺量如泐師雉髮後歷海內遍叅知識無不印可受具嗣泐於金陵三昧和尚主席寶華戒律精嚴門下嗣泐六十餘人戒子萬計集有三壇正範指作二持行世康熙戊申示微疾坐化

普勻

號平... 陽洪氏子七歲祝髮於寂光寺受具承嗣... 靈梵菴和尚主席斯山三十餘年名重兩池門徒廣衆於康熙辛未冬十二月初二日在臨安大乘寺集衆傳戒畢辭衆云吾今不待爾等都來將衣鉢付囑廣因等畢喝一喝云當陽一喝出

凡塵任運道遙撒手行勞耐精勤三學者人天相
外覓無生吃茶一盃而化

悟禎

號友山滇姚高氏子致仕出家于大覺徧周創曇
華古佛材精修梵行數十餘年晝夜不輟一切名
山古刹無不興凡有傾圮皆賴修葺于康熙己
巳七月六日坐逝塔于曇華山

悟澄

號淵明標榆紳士楊春秋之子幼年辭榮入山禮
無心和尚以家爲徧周禪師之徒結菴放光寺左
閱戒五載究明佛意臨終端坐而化

周壁

號印如標榆阮氏子自幼入山禮徧周和尚落髮
智性聰穎爰究教乘明主指姜公遊山甚爲相契
有詩贈因鑄洪鐘王 永曆聖主入滇頒賜紫衣

洪敬

號怡淵標榆李氏子自幼入山禮徧周和尚出家慕道
叅禪大知子結菴修靜十越寒暑臨終辭衆尅時

沐浴華髮以寂爾定去捨於正宗院後

洪贊

號清宇雲南縣楊氏子卅歲入山禮淨和和尚落髮幹蠱叢林續賜紫衣時為山中知識紹繼紫衣復付洪護而傳育山

普見

號一唯定遠人禮徹庸和尚為徒徧叅江南與房公請藏齋還大覺同徹師開堂妙峯法席才為四十餘載障行鳴鐘集眾上堂辭世拋拄杖立化

雞足山志卷之七

靈蹟 附峯頂四觀 雞山八景

野史氏曰子不謂吾儒尚矣宗門秘言神通

儒釋一理 所會一也但山川靈氣每與聖

賢遺跡相映以垂不朽域中名山幽靈昭著彰

彰耳目神遊設大易豈欺我哉志靈蹟

佛光變現

即光之現各名山或有之如五臺峨嵋九華種種不一而雞足山獨異每雨止雲收朝旭將升絕頂

之上下視山腰白雲瀾漫忽有圓光現于白雲之
中山頂觀者不啻千萬人人各見光中惟現已像
拱揖朝拜無不相應俗謂之攝身光又或時現
色毫光形如彩虹而周輪圓滿又或絕頂遍現
光佛發左右無不瀾漫僧衆皆行生于光中經數
時而始散大約在夏秋之間天氣清爽陰雨初霽
時為多蓋冬多雨雪春多昏霾霖澍則光不能
見也

華首靈異

華首門高十餘丈其門中裂一隙作兩扇各濶三
丈三寸旁有眼藥水水僅勺許而旱暵不竭相傳
卽古二僧泣淚泉也昔有僧名小沈與二僧同住
一茅庵偶自城市歸索食於二僧僧曰汝自城市
來及索食於我耶沈遂走叩華首門門訇然中開
沈遂入二僧追呼至則石門閉二僧悔恨涕泣焚
身門外焚身處生栢二株至今存焉

山下土主

山下靈山一會坊右有土主廟此神舊在迦葉殿

祀用血食萬曆年間忽有陝西僧人來山將其神像負之而去本寺僧衆大駭逐而奪之其僧曰尊者道場何可牲酒作污我已告巡道准斥此神下山矣寺僧以其誕爭持之不釋其僧不能勝委其像於門外而去寺僧昇之歸重不能舉是夜夢神曰我已爲某僧所訴官命移下山矣今無顏居此宜送我山下至次日忽見山下沙址一帶村農具鼓樂來迎詢之則云是夜皆夢土主神云欲來山下卜地以居故村老相約迎之寺僧以所夢相符乃聽昇下山建立今廟後細訪之則前此陝西僧果於大理府具詞巡道處告土主神牲牢酒醴穢辱名山乞以法治之巡道曰彼神也我何能禁僧曰但求准我詞僧自能治之巡道乃批准移下山僧遂來山強移神像故其廟竟因之而遷至今神甚靈顯山下遠近皆敬祀焉

香艸治疫

本山多產香艸紅梗綠葉遠近進香者取歸能治六畜瘟疫俗名之曰仙艸

靈鷲來朝

每歲春夏之交有靈鷲鳥數百其形類鵝而差小
來朝華首門其棲止多於獅子林一帶大樹上

蛇不爲災

此山雖多蛇從來不傷一人山有收蛇洞俗傳昔
尊者收蛇於此洞故蛇不爲害鼓山下有白磷見
者反以爲瑞

馴龍遜避

鷓足山龍潭靈泉百餘處經教皆傳迦葉入定時

有七十二龍隨來護衛故山雖多龍率皆馴伏雖
時現靈異而絕不爲災似受降伏於佛法者若悉
檀寺前大龍潭初水勢洶湧林樹幽邃人不敢犯
及建寺後水漸微細龍遂遠移赤石崖卽石鐘寺
左右赤龍潭初亦嘗興雲雷今寺址漸擴龍亦遷
焉以至龍泉庵原有小龍潭天池山下亦爲龍窟
建庵宇後遂爲池沼又山後華藏洞右有上石潭
嘗有小蛇遊行水中時隱時現青紅黃白五色各
異土人皆知爲龍潛處時以牲醴享焉

泉通洱海

河子孔水在山之南金母山下水從大石下涌出
合山上諸溪水繇雪陰橋出賓川其水清潔奔騰
雖夏秋之間霖澍不息山中諸溪水皆濁而孔水
獨清雖與諸水併流而絕不相雜或云昔有人繇
大理渡滂朝山於洱海邊午餐其食盒誤落水中
及至山下小憩水邊則見其盒自此孔中流出乃
知此水繇洱海透山而來百有餘里故俗呼此水
爲盒子孔後更名河子孔蓋洱海又名西洱河故
也

洱東履跡

白古通載迦葉尊者繇大理點蒼山入鷄足今洱
海之東蓮花曲有大石一塊上存尊者足跡其深
蓋數寸許

附 峯頂四觀

日觀

鷄鳴時山頂觀東方日出千霞絢爛別一景界遊
觀者每言泰岱之奇正如是也

雪觀

西域雪山去此山千里每雲收霧斂山頂望見雪山連亘霄際玉峯瑩潔晃耀心目有如覲面也

海觀

西洱海正遶山麓光平如面蒼山相映宛若畫圖

雲觀

每雨收天霽則白雲瀰漫虛空佛光變現作種種相洵山頂之奇觀也

鷄山八景

天柱佛光

鷄山正峯最高仰插青漢名天柱山遊觀者至山頂迺遇風止雨收則佛光現於山下其變幻種種不一詳具四觀峯下

華首晴雷

華首門當山之極高處雷雨皆在其下每見山下雲暗一方雷聲殷然則知其下澍雨然山上日光四炤晴明如故也

蒼山積雪

點蒼山積雪冬夏不消蒼素相間烟雲繚繞實宇
內奇觀而榆城近處山麓反不能見惟此山正對
了了可畫乃天造地設以爲鷄足之景非他處所
能借也

洱海廻嵐

洱水明淨與點蒼十九峯相映每風日晴明烟嵐
映帶有非丹青所能繪者惟鷄山全收其勝非真
具山水勝情老於此山者不知

塔院秋月

尊勝塔院在文筆山塔高六丈六尺節以至粉黛
白如玉秋月當空皎潔互映加以院宇宏敞廊廡
清雅山空夜靜恍如濯魄冰壺矣

萬壑松濤

鷄山遍產松樹自巔至麓綿亘數十里加以此山
深邃窈窕松陰幽映別一天地迥與他處不同清
風謾謾音韻悠揚恨不令陶弘景聽之耳

飛瀑穿雲

山中瀑布大小十餘處而玉龍瀑爲第一懸流千

尺掩映崖樹有時烟嵐旋繞隱蔽出沒對嶺遙觀
忽疑中斷矣

重崖返照

九重崖君山之東側壁立千仞正對西陽每當夕
陽返照千霞助彩紅紫萬狀自羅漢壁亘九重崖
二十餘里巖壁盡赤樹石皆爲之改色亦一奇觀
也

物產

野史氏曰南中蜀之苑囿河圖括地象言之矣
豈非以物產之饒富與每讀陸賈南中行紀唐
蒙博物記稽含南方艸木狀記載雖侈無關風
土禹貢紀山川耳併載珍鐵球琳孤桐浮磬豈
非驗土宜之高下徵山川之靈秀哉鷄山百里
之區產物不多鐘靈獨異佛區祖地信非偶也

志物產

樹

常馱樹

在木香坪拱朝本山正峯遠近皆見大數十圍高不知幾百尺也山中之樹此爲最古

巢隱樹

在西竺寺後靜室左大數十圍上可結巢爲居故名

空心樹

在補處庵前高百餘尺大可數圍其下一幹中分兩開中可安蒲團趺坐昔廣西老僧如正嘗止靜

於此

三顆樹

在慧燈庵上其樹三株列如品字質古心空嘗有遊山僧衆坐臥其下以辟風雨

祇陀松

在迦葉殿門外古幹參天不知歲月僧衆依樹構土地廟相傳此樹有神憑藉遊山者必致禮焉

如意松

在大悲閣前高八九丈大四圍

晒經松

繇絕頂西北下跨壑連岡有長松數十萬株鬱葱四十里憑高一望叠翠平鋪若可晒經也

靈鷲松

在銅佛殿前上下參差數十餘株高者千尺大者十圍依岫憑崖虬屈各異樓殿偃映嵐霧褰迷深秋氣爽嘗有靈鷲百十連羣翔宿其上

彈指松

大小二株在華首門前

若木

在真武洞下二株相望奇古異常其大合抱高七八十尺

千尺虬

卽傳衣寺前古松也茲山產松四五種不下數十萬獨此軀幹極備粗二十圍一丈二尺之上左右各分一大幹後又出一小幹枝幹細處亦且數圍橫拿倒攬屈曲魁詭非特畫工難到亦意想所不能及似造物者有施設于其間

紫金杉

在曹溪水下其大合抱枝幹扶疎有如偃蓋周身皮皴作紫金色

平頂松

在松月阿右樹可合抱高與崖並其頂上平正竟可跌坐

三折栢

在迦葉殿前樹本三折屈曲如人力刀鋸所裁不似天植也

分開樹

在安心處門外昔老僧印宗將一樹手分作兩開左右對種之今其樹已大十圍蒼老參天其心半空云

摩頂松

大小十餘株在迦葉殿門首奇古各異

紫虬樹

在金剛石右龍吟壑中

龍藤樹

在暗香泉之前有蒼藤如柱盤繞其上

孤山雪

古梅一株在九蓮寺寄寄齋後形勢奇古爲鷄山第一梅其年代不可考矣

龍化樹

老松一株在古雪齋之右大數圍高數十尺橫拿倒覆恍惚疑龍化也

花

天女花

出木香坪花似玉蘭而清香勝之

黃牡丹

生華首門下及袈裟石傍其花葉俱似牡丹而差小

白山茶

山中各寺紅茶花有十餘種而白者最少惟大覺寺龍華寺白花山及傳衣寺者最佳

仙艸

生山頂諸崖壁紅梗綠葉而有異香臘月間艸木

在暗香泉之前有蒼藤如柱盤繞其上

孤山雪

古梅一株在九蓮寺寄寄齋後形勢奇古爲鷄山第一梅其年代不可考矣

龍化樹

老松一株在古雪齋之右大數圍高數十尺橫拿倒覆恍疑龍化也

花

天女花

出木香坪花似玉蘭而清香勝之

黃牡丹

生華首門下及袞袞石傍其花葉俱似牡丹而差小

白山茶

山中各寺紅茶花有十餘種而白者最少惟大覺寺龍華寺白花山及傳衣寺者最佳

仙艸

生山頂諸崖壁紅梗綠葉而有異香臘月間艸木

皆枯而此更葱翠土人採而市之遠近進香善士以錢易得戴之於頂歸以奉之家廟經久其香不散能治六畜瘟疫

雪蘭

山中蘭有數十種有紫蘭有蜜蘭有朱蘭碧玉蘭而以雪蘭爲第一開於十二月其色如雪鮮潔可

愛

果

松子

滇中多產松實而惟山中者最佳

栢實

產山之東麓其實較他處獨大而味美

鳥

靈鷲

其形如鵝每春夏之間數十爲羣飛集樹上多在羅漢壁獅子林等處土人不識呼爲旱鵝後有西番僧見之曰此卽天竺靈鷲鳥也

念佛鳥

其大如鸚鵡每啼便作彌陀佛三字

松鷄

毛羽蘆花色形如鷓鴣而稍大多宿松樹上其聲
咯咯然若老人之咳且笑於山谷也

鸚鵡

鸚鵡滇產也而此山尤多蓋山樹多松此鳥獨喜
食之故耳

獸

小花鼠

其形似鼠而毛色花紋可愛多棲崖壁間

玄猿

山多玄猿較諸猴為大深崖積修之士多見之

玄鹿

山中有玄鹿與常鹿異非久住山者不恒見見則

主吉祥

食品

松花

山中松有二種結子者謂之赤松其不結子者即

謂之山松當三月間其花將放此丘採之取其花
粉作餅服之輕身延年赤松花味甜美其山松之
花味稍苦宜和蜜食之

椒

山中多種椒其辛辣較勝他處與蜀產等

樹衣菜

生栗樹上味如海菜別具風致

橄欖膏

山中產野橄欖實小而圓搗汁為膏味甚雋永遠

行攜之可生津止渴

蓮花菜

生上倉湖邊味極甘芳土人珍之不多得也



